

INTERVJU

Igor Lukšić, šef crnogorske diplomatije, za „Avaz“

Ekonomija je zajednički interes cijelog regiona

Treba jačati infrastrukturu, ukloniti različite tranzicione troškove i poslovne barijere i boriti se protiv organiziranog kriminala • Uspjeh Crne Gore bit će veći ako BiH napreduje

Razgovarala:
Berina BEĆIROVIĆ

Bosna i Hercegovina i Crna Gora imaju bilateralne odnose koji su za primjer svim ostalim zemljama u regionu, pa i šire, i u narednom periodu učinit će sve da te odnose dodatno unaprijede, izjavio je u intervjuu za „Avaz“ Igor Lukšić, ministar vanjskih poslova i


ka EU. Koje su to dodirne tačke susjednih država i na koje se oblasti posebno treba fokusirati?

- Sama inicijativa nema ambiciju da zamijeni postojeće. Ideja je da pokušamo identificirati krajnje praktične oblasti saradnje koje će pomoći građanima i privredi, koje su naš zajednički interes i koje će doprinijeti ekonomskom razvoju te nas na taj

Rok do kraja godine

Govoreći o granicama, Lukšić je još dodao da bi do kraja godine mogao biti potpisan sporazum o međudržavnoj granici BiH i Crne Gore. Prema njegovim riječima, ekspertne grupe okončale su i privode

kraju proces obilježavanja i zaključivanja sporazuma o međudržavnoj granici BiH i Crne Gore. Ako to prema planu i dinamici privedemo kraju, očekujemo da bi do kraja godine mogao biti potpisan sporazum.



Lukšić: Dobri bilateralni odnosi

evropskih integracija Crne Gore.

On je jučer okončao dvodnevnu posjetu našoj zemlji, gdje je razgovarao sa bh. čelnicima.

Uklanjanje barijera

□ Ponukani članstvom Hrvatske u Evropskoj uniji, nedavno je iz Crne Gore pokrenuta inicijativa za ujedinjavanje zemalja regiona u njihovim naporima

način istovremeno preporučiti za buduće članstvo. Tri oblasti vrlo su bitne: infrastruktura, uklanjanje različitih tranzicionih troškova i poslovnih barijera te borba protiv organiziranog kriminala.

□ Na šta konkretno mislite?

- Kada kažem infrastruktura, onda mislim na identifikovanje nekoliko projekata, vrlo velikih i ključnih projekata, koji će povezati najmanje tri zemlje. Ukoliko

zanemarimo da će u narednih osam godina biti naredno proširenje EU i zapostavimo ovu komponentu regionalnog ekonomskog razvoja, bojim se da ćemo izgubiti vrijeme. Obični građani se žale i traže revidiranje pojedinih poslovnih barijera. U tom kontekstu, međusobno priznavanje certifikata robe, diploma ili ukidanja rominga ne samo da će ukloniti barijere nego će smanjiti i

troškove. Što se tiče organiziranog kriminala, a s obzirom na to da on prevazilazi nacionalne granice, potrebno je dodatno raditi kako bi se djelovalo destimulativno na organizirani kriminal.

Pritisak na lidere

□ U posljednjih nekoliko godina Crna Gora je odskočila od ostalih zemalja regiona, uključujući i BiH, u rješavanju bitnih stvari ka integracijama u EU. Šta je, prema Vašem mišljenju, najveća prepreka da BiH napravi korak naprijed?

- Ulazak Hrvatske u EU, otvaranje pregovora s Crnom Gorom i, vjerujem, uskoro i sa Srbijom, zasigurno će kreirati ambijent koji će dodatno podstaći bh. političare da riješe preostala pitanja. Mislim da vama, u suštini, ne treba mnogo. Shvatio sam da se u narednim mjesecima očekuje cijeli niz kontakata koji bi mogli uroditi plodom i držim vam palčeve u tome. S tim u vezi, uspjeh Crne Gore bit će veći ako BiH napreduje ka EU. Tako da, jednostavno, po modelu spojenih sudova, društvo i ekonomija moraju biti isprepleteni.